

兵制
軍政

武備
海防

刑制
赦宥

廣治
平畧

兵制篇

周代兵制

昔者黃帝有涿鹿之戰。顓頊有共工之陳。夏有甘扈之誓。商有毫野之師。雖帝王未嘗去兵也。及周武王以兵平天下。天下既定。立司馬之官。設六軍之衆。因井田而定軍賦。天子六軍。大國三軍。次國二軍。小國一軍。軍將皆命卿。二千五百人爲師。師帥皆中大夫。五百人爲旅。旅帥皆下大夫。百人爲卒。卒長皆上士。二十五人爲兩。兩司馬皆中士。五人爲伍。伍各有長。其小司徒魯萬民之卒伍。以起軍旅。五人爲伍。五伍爲兩。四兩爲卒。五卒爲旅。五旅爲師。五師爲軍。凡國之大事。則致之遂人。以歲時稽其人民。簡其兵器。有發以下劑。致之以六鄉爲正軍。六遂爲副卒。故天子六鄉六遂。合有十二軍。而止言六軍。至大國之三鄉三遂。次國之二鄉三遂。小國之一鄉一遂。莫不皆然。此鄉遂制軍之法也。乃車

徒則異賦焉。徒起法於人車起法於田。徒合於鄉師。車合於司右。而縣師受法於司馬。會車徒之卒伍而用之。而六師成也。大概鄉約二十五軍。猶後世之京軍。土居王畿爲國本者也。遂亦二十五軍。猶後世之畿輔軍。各守衛其國都而拱護王畿者也。至太司馬所握之六軍。則通王畿千里之內。更休而迭調之。故凡致民用之軍旅。田役皆由鄉遂至於都鄙。此公卿大夫各帥其不地之民而用之。猶後世郡國調遣更番上直之兵也。至其五服蔡布。則五國以爲屬。屬有長十國以爲連。連有帥三十國以爲卒。卒有正二百一十國以爲州。州有牧。當其時於州鄉則聯其民。於師田則聯其徒。於宿衛則聯其官。故能以中國爲一人。而無內患。爲屬連卒長以聯其國。爲長師正伯以聯其人。故能以天下爲一家。而無外虞。而大司馬以九伐之法正邦國。其於天下也大則有方伯。小則有連帥。如身之使臂。臂之使指。各適其事之遠近。至方伯連帥所不能克。然後以鄉遂之士應之。於此見王者制天下兵不用而自爲正之具也。夫平居無事之

時人勝家比有教養之素而恩義足以相結及其倉卒有事之際簡車閱徒無招呼之煩而死生足以相衛然則兵不待選皆吾民也將不放置皆吾吏也故軍藏于六卿而弗謂軍將藏於六鄉而弗謂將以蒐苗獮狩而隱其振旅發舍治兵大閱之名以比閭族黨州鄉而易其伍兩卒旅師軍之名以并邑丘甸縣鄙而晦其車馬甲士步卒軍賦之名以軍伍而會于教官之司徒以軍禮而掌於春官之宗伯以軍禁而徇於刑官之士師司馬雖有統兵之職而於兵政若不敢專焉至其四時之田凡師出曰治兵入曰振旅草止則曰芟舍簡兵則曰大閱今以仲春而教振旅則是教民之始而已爲遷田之期以此見先王之不樂用兵也凡田搜澤取獸曰蒐爲苗除害曰苗獸多可殺曰獮圍守不擇曰狩今以仲春而行蒐田則是致苗之始已有愛物之心以此見先王之不忍用殺也而又仲春則以辨鼓鐸蠲鍾仲夏則以撰車徒書契名號仲秋則以辨旗物仲冬則以詳坐作進止各主其一不盡求也蒐以祭社苗以享禘獮以祀祈狩

以享。絜各以行禮。非暴物也。益田本肄武。而以禮終。獵本順殺。而以仁勝。此之謂順。以動而悅。以使乎總之。先王以天下之不可去兵。於是乎有治兵之法。以武事之不可明民。於是乎有寓兵之意。四時有田。則教兵不爲不先。六卿皆將。則蓄將不爲不豫。何何待刻畫兵號而明示以毒天下之具哉。若乃天子之衛有郎衛。有兵衛。而其別有四。居則行宮中之徒役。公卿大夫士之庶子。以爲環列。順心之衛。若宮正。宮伯之所掌是也。出則有虎士八百人。掌先後王而趨以卒伍視朝。則在路門之右。若虎賁氏之所掌是也。奉輿馬督扈從視朝。則在路門之左。則有太僕以掌之。所謂侍御僕從罔非正人是也。執其兵器服以衛王。之門外。則有司隸以掌之。所謂使其屬帥四荒之隸是也。雖名爲兵。而不聞一武夫悍卒。放慢詭譎之人。得廁跡其間。是雖有郎衛兵衛之別。曷常有文事武事之判耶。合而觀之。任征伐之兵。皆出於農。則無追呼召募之擾。無團聚囑餉之費。而民以農隙之時。講武則既因富而力强。處宿衛之兵。多出於士。則無長

淫○導○邪○之○失○無○祗○凶○邇○逆○之○災○而○士○以○析○巡○之○餘○均○敘○則○又○由○教○以○知○方○矣○此○
成○周○所○以○克○詰○張○皇○而○制○治○未○亂○保○邦○未○危○也○歟○至○齊○桓○公○任○用○管○仲○制○國○爲○
二○十○一○鄉○故○有○軌○里○連○鄉○師○之○制○如○鄉○之○法○制○鄙○爲○五○屬○故○有○邑○卒○解○縣○屬○之○
制○如○遂○之○法○通○國○之○數○而○遠○征○之○率○車○用○六○之○一○士○用○十○之○三○變○古○司○馬○法○而○
爲○簡○畧○連○勝○之○兵○于○是○國○中○之○士○爲○兵○鄙○里○之○民○爲○農○兵○不○諳○耒○耜○而○農○不○識○
干○戈○先○王○寓○兵○于○農○之○意○亡○矣○齊○桓○既○沒○晉○文○接○之○蒐○于○被○廬○作○三○軍○教○其○民○
其○後○清○原○之○蒐○遂○作○五○軍○豈○自○知○其○僭○而○稍○替○其○一○乎○是○時○楚○益○强○大○武○王○作○
荆○尸○也○韓名至○穆○王○時○則○有○右○孟○左○孟○兩○甄○猶言之○制○莊○王○則○三○軍○以○爲○正○軍○二○
廣○以○爲○親○軍○游○闕○以○爲○游○兵○然○調○卒○之○法○商○農○工○賈○不○敗○其○業○卒○秉○韓○睦○不○奸○
于○事○行○軍○之○典○則○右○轅○左○追○蓐○前○茅○慮○無○中○權○後○勁○百○官○象○物○而○動○軍○政○不○戢○
而○脩○楚○是○以○强○若○魯○成○公○作○丘○甲○襄○公○作○三○軍○昭○公○蒐○于○紅○盖○已○傷○于○竭○作○矣○
哀○公○始○用○田○賦○以○夫○田○而○賦○軍○旅○之○征○大○變○兵○乘○之○制○而○民○無○遺○力○焉○秦○穆○公○

霸西戎始作三軍及孝公用商鞅變法作什伍之制有更卒有正卒有戍卒皆以戰功相君長昭王有銳士虎賁八十萬車千乘騎萬匹而分三軍長平之役年十五以上悉發亦非復商鞅之舊大抵戰國之制勝甲以上皆籍爲兵而雄傑之士因勢輔時作爲權詐以相傾覆吳有孫武齊有孫臏魏有吳起秦有商鞅皆爲敵立勝垂著篇籍當此之時合從連衡轉相攻伐代爲雌雄齊以技擊強魏以武卒奮秦以銳士勝世方爭于功利而以孫吳爲宗時唯孫卿非之曰被孫吳者尙勢利而貴變詐施于暴亂昏嫚之國君臣有間上下離心衆謀不良故可變而詐也夫仁人在上爲下所仰猶子弟之衛父兄若手足之扞頭目何可當也鄰國望我歡若親戚若椒蘭顧視其上猶焚灼仇讐人情豈肯爲其所惡而攻其所好哉故以桀攻桀猶有巧拙以桀詐堯若卵投石夫何幸之有惟以仁義緩民者無敵於天下也若齊桓晉文之兵可謂入賢域而有節制矣然猶未本仁義之統也故齊之技擊不可以遇魏之武卒魏之武卒不可以

直秦之銳士。秦之銳士不可以當桓文之節制。桓文之節制不可以敵湯武之仁義。故曰：善師者不陳，善陳者不戰，善戰者不敗，善敗者不亡。故兵無他道，亦有仁義而已矣。文之所加者深，則武之所服者遠。德之所施者博，則威之所制者廣。三代之盛，所以至刑措兵寢而不用者，其本未有序其施行有統也。秦政乘四世之威，混一宇內，罷講銷兵，意謂士散於天下而利器專于京師，可以彌患，不知斬木揭竿，無非戰卒。此秦之所以亡也。嗚呼！豈盡由兵弛哉？無事養兵，則有兵則後削之患；有事用兵，則有征行轉輸之勞。此雖當時勢所必至，而後世興衰之故，亦必有所本矣。

兩漢兵制

漢興踵秦之制，置材官於郡國，而京師有南北軍。南軍之屯南，所以衛宮城者也；主之者衛尉。北軍所以衛京城也；主之者中尉。衛尉居乎內，中尉居乎外，相爲表裏，其勢常相均。然亦使之自相爲制焉。至若南北軍皆隸於三公，而光祿歲

以四科考第。卽從官。凡更直執戟。內謹門禁。外充車騎者。無非經明行修之士。則循衛之任。固亦周虎士諸子遺意哉。其後武帝盛兵。以威北陸。至以中尉材官出擊。恐京師無重兵而生變。於是分北軍爲八校。進中尉屬中壘校尉。掌北軍壘門內及外西域兵。而屯騎校尉掌騎士。步兵校尉掌上林屯兵。越騎校尉掌越騎。長水校尉掌宣武騎。胡騎校尉掌邊騎。射聲校尉掌待詔射聲者。虎賁校尉掌輕車。凡有八焉。外又置城門校尉。掌京城門屯兵。屯各有司馬。旣又恐北軍之權太重。故於光祿勳增置期門羽林之屬。爲官掖衛。是雖於南北軍相制之意不甚失。然與時南北軍皆郡國番上。無定在之兵也。自八校之置。以習知遠方之人充之。則募兵始。此期門羽林皆家世爲之。則常從始。此自是有養兵之病。而京師之兵制壞矣。且又使世家人犯令入財者。皆得補卽而卽選於。是始募自期門羽林之屬。隸于光祿以爲天子之私人。而兵衛於是始變。自陳遠外庭之後。衛尉之職。領千將軍。城門之兵。領千司馬。往往以中朝任之。而大

臣皆無預焉。異曰：宦官侍戚專兵之禍，于是始基。皆武帝紛更之所貽也。若乃郡國之兵，初時選能引關蹶張材力武猛者爲輕車騎士，林官樓船常以秋後講肄課法，各有員而平地用車騎，山林險阻用材官。川澤用樓船，於是巴蜀二河潁川諸郡國獨有材官。上郡北地隴西諸郡國有車騎，而廬江潯陽會稽諸郡國有樓船。以至臨淄之弩手，荆楚之劍客，各推其土之所宜而習熟焉。方其兵之在郡國也，則屬之都尉。每歲八月會都試，郡太守都尉令長咸預，各以其方之所習而課殿最。是以郡國之兵教習于平時而征發于有事，民有更番之休而將無常權之患。此郡國兵之凡也。自元狩後，兵革數動，民多買復，調發之士益鮮。于是發及謫吏次及謫民，次及謫戍，次及七科，謫夫常兵不足，調及他衆，甲伍必紊而郡國之兵制又壞矣。昭宣以來，其弊日甚。始元元年募民及發犇命者，擊益州。元鳳元年遣太常三輔徒免刑擊氏。五年發三輔及郡國惡少，更有告劾亡者屯遼東。本始二年又選郡國吏三百石伉健習騎射者從軍神

晉元年。又發三輔中都之官徒弛刑者。及應募。次飛射士。孤兒。越騎詣金城。夫
募及奔命。調及惡少。發及刑徒。選及三百石吏。而又以羽林。伏飛。越騎從事。是
南北軍皆出矣。紛紛無復舊制。孰非自武帝啟之。則東漢光武以幽冀并州兵
克定天下。始于黎陽立營。領騎常千人。以謁者監之。號黎陽兵。而京師南北軍
如故。北軍省中壘邊騎虎賁三校。止爲五營。謂之五營校士。北軍則以中侯易
中壘監之。領千大將軍。南軍則光祿勳省戶騎車三將。及羽林令。都尉省旅賁
衛士領千大尉。建武六年。始罷郡國都尉。并職太守。無都試之役。唯京師肄兵
如故。明年罷天下輕車騎士材官樓船及軍假吏。盡還民伍。唯更賦如故。九年
省關都尉。十三年罷左右將軍。二十二年罷諸邊郡亭侯吏卒。時光武久在兵
間厭武事。且知天下疲耗。思欲息肩。由是內省營衛之士。外罷衛侯之職。然終
建武之世。已不能守前法。罷尉省校。輒復臨時補置。而邊郡亦往往復置都尉。
且自罷都試而外兵不練。雖疆場之間。廣屯增戍。列營置賜。而國有征伐。終隸

京師之兵以出。或遣將出擊。或移兵留屯。連年暴露。奔命四方。而禁旅無復鎮衛之職。至安帝永初間。募人入錢穀。得爲虎賁羽林緹騎營士。而營衛之選亦衰。成帝延熹間。詔減羽林虎賁不任事者半俸。則京師之兵日就單弱。外之上兵不練而內之衛兵不精。故盜起一方。則羽檄被於三邊。與發甲卒。取辦臨時。戰非素習。每出輒北。永建間。始令郡舉五人教習戰射。又方募爲陷陣徵爲積卒。召爲義從。大抵創立名號。蕩無良法。徒列屯坐食而已。桓靈之世。黃巾作亂。所在盜賊。不可勝數。於是置八都尉。五年大發四方兵。講武于平樂觀。躬環甲介馬。稱無上將軍。是歲始置西門八校尉。以小黃門統之。雖大將軍亦屬焉。於是戚宦更傾。兵權迭相傾奪。五營畏服中人。以至陳蕃。竇武等欲誅宦官。北軍不助武等而助宦官。遂取族滅。何武袁紹不勝其憤。且懲竇武之事。欲藉外兵以除之。故內置園校。陽尊闔宦。外重州牧。實召邊將。闔宦雖除而董卓之禍已成。義兵四起。群牧爭政。漢遂三分。原漢盛衰皆兵之由。而光武寔爲之也。蓋天

下之患莫大干兵無事而聚食將有權而專兵漢興民二十則傳於籍而歲及
立秋則嚴兵法之肄公卿子弟執戟以備宿衛而博士郎中皆課之射當是時
民與士大夫無不閑軍旅者或爲卒更或爲踐更或爲過更民皆已練之兵或
取之干大農或取之于宗正或取之于太僕而士大夫皆可命之將則漢制之
善正在於兵不常聚而將無常員故材官騎士布滿鄒國有事檄召否則罷歸
衛霍勲大績重身奉朝請兵皆散去此其綱維大體猶有先王遺意乃其中猶
可取者國有軍事不取專斷是以輪臺之書徧示百官屯田之奉初終不議軍
干和親而四百石博士得以抗論以至精兵郡國人主親爲擇將相而代地吾
所急則委陳豨淮陽丘之勁實霍灌夫其視兵也不亦重乎然而從軍有勞得
以復除關中之卒復以一歲亡士過多將軍有譴金布著令尤卹死事羽林養
子特錄孤兒至饗遺衛士天子臨幸士卒暴露朝會罷酒其卹兵也不亦寬乎
乃矯制有功者不賞都試僭上者必戮上功增級者有誅乘傳行塞因以歸家

者詔勅已至以至禁操者有誅後期者有誅畏懦者有誅都試而不詣部所者
必免屯而不詣屯所者以乏典論則嚴明爲何如宰相之子不免成邊故將之
家均干給賦以至御史大夫出爲護軍不爲左遷酒泉太守卽拜破羌不爲異
數輪臺之詔敗亡不損衛霍行封得喪相餘則均一爲何如至于上下相維隄
防必密京師之兵纔萬人耳統於一官未爲過多而二三卿士各分行領欲上
下之相制也都試之後太守都督事屬縣之令長丞尉何與而必欲俱會欲上
下之相察也以至銅虎調發以防矯僞伍符素備以正什伍而膠西欲擅發兵
則弓高詰之自圖嚴助以節發兵則郡守拒之不從而又鄉置游徼亭設三長
以防盜賊而天下之亭幾三萬則其周密又何如夫以謹重視兵戎故勅可專
悔以寬恤待士卒故勞不致怨以嚴明駁將帥故士卒不敢驕情以均一定軍
制故天下無以議令以周密立兵防故奸宄無以生心是以諸呂七國變生倉
卒而備禦素具北邊南越連兵數年而邦本不搖誠有以也獨其時平輒弛備

而赤白囊一至始科瑣邊吏則倉卒無可用之兵何以防外成卒以實邊而中尉北軍亦出討擊則王旅無鎮衛之職何以重內其節目不謹者蓋如此是以漢之兵雖少近古而卒不能遂如古也建武之後兵制浸失都試之法不可罷者罷之三校尉之官不可廢者廢之于是郡兵不練而專倚南北二軍以集事是兵非曩時比也士大夫不開武事至引邊將以入朝是將非曩時比也則又并與其綱維大體者一切廢矣漢烏得而不衰乎

六朝兵制

晉自文王置二衛三都司馬以中領之軍領之令州縣典兵州置都督尋加四征四鎮將軍之號及武帝代魏分左右各一將軍又置羽林虎賁上騎異力四部皆領於驍騎又有左右前後四軍四護軍領之凡二衛及驍騎七軍皆以中軍將軍領之及吳平之後即詔天下刺史悉去州郡兵大都驍置武吏百人小郡五十人永康以後盜賊羣起州郡不能制天下遂亂元帝南渡以楊州爲京

最。荆。州。五。州。爲。重。鎮。而。三。州。戶。口。實。居。江。南。之。半。於。是。復。刺。史。曲。兵。而。鎮。特。里。故。忠。則。陶。侃。溫。嶠。以。入。衛。定。國。難。逆。則。王。敦。蘇。峻。以。啟。釁。爲。國。憂。蓋。其。勢。也。後。魏。天。和。中。閭。門。之。謫。除。於。崔。挺。三。長。之。制。立。於。李。冲。屯。兵。興。於。薛。虎。子。而。成。兵。資。絹。自。隨。之。困。省。止。業。定。于。李。安。世。而。豪。強。陰。附。邀。役。之。弊。均。定。都。中。洛。選。武。勇。之。士。十。五。萬。人。爲。羽。林。虎。賁。以。充。宿。衛。分。建。六。鎮。優。復。府。戶。鬱。然。可。觀。其。後。良。法。侵。隳。至。於。宿。衛。相。率。焚。大。臣。之。第。朝。廷。懼。不。敢。問。致。啟。高。歡。驕。逞。之。心。則。紀。綱。陵。替。豈。非。徂。於。承。平。文。飾。過。盛。之。弊。哉。高。齊。別。爲。內。外。鎮。之。二。曹。雖。十。八。受。田。二。十。充。兵。六。十。免。役。頗。追。古。意。然。武。帝。之。際。政。以。賄。成。一。時。領。軍。至。二。千。人。無。謂。甚。矣。西。魏。大。統。中。宇文。泰。用。蘇。綽。始。倣。周。典。置。六。軍。籍。六。等。之。民。擇。魁。健。材。力。之。士。以。爲。之。首。盡。蠲。租。調。而。刺。史。以。農。隙。教。之。合。爲。百。府。每。府。一。郎。將。主。之。分。屬。二。十。四。軍。開。府。各。領。一。軍。大。將。軍。凡。十。二。人。每。一。將。軍。統。二。開。府。復。加。持。節。都。督。以。統。焉。周。至。克。齊。之。後。并。前。各。置。六。府。而。東。北。別。爲。七。總。管。自。

此隸戶有還隱丁有誅府兵有復丁以十二取役以一月代煩蓄以六家備民
力稍裕矣隋之兵制大抵周齊府兵之舊而加潤色焉其十二衛曰翊衛曰驍
騎曰武衛曰屯衛曰禦衛曰候衛各分左右皆置將軍以分統之府有郎將有
副部將坊主團主以相統治其外又有驃騎車騎二府皆有將軍後改驃騎曰
鷹揚郎將車騎曰副郎將別置折衝果毅此府兵之大畧也自煬帝不綱府兵
之制不講高麗之役四方兵集凡一百十三萬三千八百人每軍大將亞將各
一人騎兵四十隊隊百人十隊爲團步卒八十隊分爲四圍團各有偏將一人
其輜重帶兵等亦爲四團使步卒挾之而行進止立營皆有儀法但遠近騷動
士卒死傷臨業亡矣

唐代兵制

唐有天下三百餘年而兵之大勢三變其始盛時有府兵府兵廢而爲彍騎彍
騎又廢而方鎮之兵盛矣及其末也強兵悍將分布天下而天子亦自置兵罕